



Broj:157/23

Dana, 13.03.2023. godine

Na osnovu člana 68. stav 1., 70., 72. stav 3. tačka a) Zakona o javnim nabavkama Bosne i Hercegovine ("Službeni glasnik Bosne i Hercegovine" broj:39/14, 59/22), u postupku javne nabavke radova sanacije krova na područnoj školi "Dolina-Alići" pokrenutog odlukom o pokretanju postupka javne nabavke broj: 1160/22 od 29.09.2022. godine , direktor donosi:

## **ODLUKU**

o izboru trećerangiranog ponuđača

### **I**

Donosi se odluka o izboru trećerangiranog ponuđača i ugovor za javnu nabavku radova sanacije krova na područnoj školi "Dolina-Alići", dodjeljuje se ponuđaču obrt "LIMFIX" Žepče, vlasnik Matej Udovičić, ponuda broj: 03-10/22 od 14.11.2022. godine, za ponudenu cijenu od 37500,00 KM bez PDV-a.

### **II**

Stavlja se van snage Odluka o izboru najpovoljnijeg ponuđača broj: 1411/22 od 05.12.2022. godine kojom se Ugovor za realizaciju predmetne nabavke dodjeljuje drugorangiranom ponuđaču „ASV INŽINJERING“ d.o.o. Banja Luka iz razloga što isti nije dostavio blagovremeno dokumentaciju u skladu sa članom 45. Zakona o javnim nabavkama i Tenderskom dokumentacijom broj: 1160/22 od 29.09.2022. godine.

### **III**

Ova Odluka objavit će se na web stranici [www.dos.edu.ba](http://www.dos.edu.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 1160/22 od 29.09.2022. godine. Javna nabavka je sprovedena konkurentskim zahtjevom za dostavu ponuda. Procijenjena vrijednost nabavke bez PDV-a je 51750,00 KM. Obavještenje o nabavci objavljeno je na Portalu javnih nabavki dana 29.09.2022. godine. Komisija za javnu nabavku imenovana je odlukom o imenovanju Komisije za provođenje predmetne javne nabavke, broj:212/22 od 05.04.2022. godine. Komisija za javnu nabavku dostavila je dana, 22.11.2022. godine zapisnik o pregledu i ocjeni ponuda broj: 1375/22 od 22.11.2022. godine i preporuku o izboru najpovoljnijeg ponuđača u postupku javne nabavke radova sanacije krova na područnoj školi "Dolina-Alići".

Na osnovu preporuke Komisije za javne nabavke donesena je Odluka o izboru najpovoljnijeg ponuđača broj: 1376/22 od 22.11.2022. godine, te se Ugovor o javnoj nabavci sanacije krova na područnoj školi "Dolina-Alići" dodijelio ponuđaču „BK GRADNJA“ d.o.o. Zenica. Uvidom u dostavnicu Ugovorni organ utvrdio je da predmetna odluka zaprimljena od strane ponuđača dana,

24.11.2022. godine, te da isti nije blagovremeno dostavio dokumentaciju u skladu sa članom 45. Zakona o javnim nabavkama i Tenderskom dokumentacijom broj: 1160/22 od 29.09.2022. godine.

U skladu sa članom 72. Zakona o javnim nabavkama Ugovorni organ donio je dana, 05.12.2022. godine Odluku o izboru drugorangiranog ponuđača broj: 1411/22 kojom se ugovor za realizaciju predmetne nabavke dodjeljuje ponuđaču „ASV INŽINJERING“ d.o.o. Banja Luka. Ponuđač „ASV INŽINJERING“ d.o.o. Banja Luka nije blagovremeno dostavio dokumentaciju u skladu sa članom 45. Zakona o javnim nabavkama i Tenderskom dokumentacijom broj: 1160/22 od 29.09.2022. godine, niti je pismenim putem odustao od predmetnog posla. Isti je dana, 10.12.2022. godine izjavio žalbu broj: 01-1012/22 na Odluku o izboru drugorangiranog ponuđača broj: 1411/22 od 05.12.2022. godine koja je zaprimljena na protokol Ugovornog organa dana, 15.12.2022. godine.

Ugovorni organ je po zaprimljenoj žalbi utvrdio da je ista blagovremena, dozvoljena, izjavljena od strane ovlaštenog lica i lica koje ima aktivnu legitimaciju, te je u skladu sa članom 100. stav 5. Zakona o javnim nabavkama uputio Izjašnjenje na navode žalbe sa cjelokupnom dokumentacijom dana, 20.12.2022. godine Ured za razmatranje žalbi BiH.

Zaključkom Ureda za razmatranje žalbi broj: JN2-03-07-1-3529-10/22 od 12.01.2023. godine žalba ponuđača „ASV INŽINJERING“ d.o.o. Banja Luka odbačena je kao neuredna.

Ugovorni organ nije mogao nastaviti predmetni postupak javne nabavke odmah po prijemu gore navedenog Zaključka iz razloga što isti nije realizovan u budžetskoj 2022. godini tj. planirana budžetska sredstva nisu utrošena, te su postala upitna u budžetskoj 2023. godini. Dana, 23.12. 2022. godine Ugovorni organ uputio je zahtjev za prijenos sredstava u narednu budžetsku godinu Ministarstvu za obrazovanje, nauku, kulturu i sport Zeničko-dobojskog kantona. Obzirom da su usvajanjem budžeta Zeničko-dobojskog kantona 10.03.2023. godine predviđena sredstva za predmetnu nabavku, to su se stekli uslovi za nastavak postupka.

Dana, 17.02.2023. godine isticao je period važenja ponuda ponuđača, te je Ugovorni organ dana, 16.02.2023. godine uputio poziv za produženje perioda važenja njihovih ponuda preostalim ponuđačima sa rang liste i to : „LIMFIX“ Žepče, „DKM GRADNJA“ d.o.o. Maglaj, „ARCON-IN“ d.o.o. Zenica.

Ponuđači „LIMFIX“ Žepče i „DKM GRADNJA“ d.o.o. Maglaj blagovremeno su dostavili izjave o produženju perioda važenja njihovih ponuda dok ponuđač „ARCON-IN“ d.o.o. Zenica nije produžio period važenja njegove ponude.

Članom 72. stav 3. tačka a) propisano je: “ Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.”

Obzirom da je nakon završene e-aukcije ponuđač „LIMFIX“ Žepče trećerangirani sa svojom ponudom, a imajući u vidu gore navedeno odlučeno je kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Ugovornom organu najkasnije u roku od 5 (pet) dana od dana prijema iste, u dovoljnom broju primjeraka.



U ime Ugovornog organa:

Direktor škole:

*Brčaninović Admir*

Brčaninović Admir

DOSTAVLJA SE:

1. Ponuđačima,
2. Arhivi.